

OILA DAVTRASIDA

№ 20 (366)
2019 - yil
16 - may
payshanba

www.od-press.uz

Ijtimoiy-siyosiy, ma'naviy-ma'rifiy gazeta

Gazeta 2012-yil may oyidan chiqq boshlagan.

МУАММОНИНГ ЕЧИМИ МАНФААТГА АЙЛАНМАСИН

пулли
йул



« Нима, улар
қурилаётганда
иригация ва дренаж
масаллари кўзда
тутилмагани? Агар
кўзда тутилмаган бўлса
ҳар йўлу йўлак четига
бетон ариқчалар
нега қўйилган? Агар
кўзда тутилган бўлсаю
улар сифатсиз ва
ишламайдиган бўлса,
унинг таъмирига
яна нима учун
миллиардлаб пул
керак?

3-бет

ОЛИЙ ТАЪЛИМ:

учтагача йўналиш
танлови, имтиёзли
сертификатлар ва
пулли қабул



2-бет

ТОШКЕНТДА АМИТИ УНИВЕРСИТЕТИ:

қабул қачон
бошланади?

2-бет

ОТАЛИККА НОМУНОСИБ

«ота»лар



5-бет

ТИЛ ТАҚДИРИ

кимларнинг
қўлида?

4-бет

БОЛАЛАРДА ИЧ КЕТИШ:

давоси ва
парвариш



7-бет

uzkitob.uz

«O'ZDAVKITOBSAVDOTA'MINOTI»

Манзил: Тошкент шаҳар Навоий кўчаси 30-уй
Tel.: (+998 71) 244-19-65 (+998 71) 244-19-91

Энг сара
китоблар
ассортименти

Олий таълим:

учтагача йўналиш танлови, имтиёзли сертификатлар ва пулли қабул

Мамлакатимиз олий таълим муассасаларига кириш имтихонларидаги ислохот: бир йўла учтагача йўналишда танловда иштирок этиш мумкин; тестлар июль-августда ўтказилади; таълим муассасаларини ўтган йилларда битирган абитуриентлардан тўлов ундирилади. Ушбу янги тартиблар Ўзбекистон Президентининг 2019 йил 14 майдаги «Олий таълим муассасаларига тест синовлари орқали қабул қилиш тизимини такомиллаштириш бўйича қўшимча чора-тадбирлар тўғрисида»ги қароридан белгиланди.



Хўш, олий таълим муассасаларига қабул жараёнида қандай янгилликлар кутилмоқда?

Биринчидан, 2019/2020 ўқув йили қабулдан бошлаб абитуриентларга олий таълим муассасаларининг тест синовини топшириладиган фанлар мажмуаси бир хил бўлган учтагача бакалаврият таълим йўналишида танловда иштирок этиш ҳуқуқи берилди.

Иккинчидан, 2019/2020 ўқув йили қабулдан бошлаб олий таълим муассасасига ўқишга қабул қилиш бўйича кириш тест синовлари июль-август ойларида ўтказилади (*иллари – 1 августдан 15 августгача*).

Учинчидан, 2020/2021 ўқув йили қабулдан бошлаб тест синовини топшириладиган фанлар мажмуаси икки бўлимга ажратилади. Биринчисига – барча учун мажбурий учта фан: она тили (*ўзбек, рус ёки қорақалтоқ*), математика ва Ўз-

бекистон тарихи, иккинчисига эса абитуриент танлаган бакалаврият таълим йўналишига мос иккита фан киритилади. Бунда ҳужжатда она тили бўйича алоҳида синов ўтказилиши назарда тутилмаган.

Бакалаврият таълим йўналишларига мос тест синовини топшириладиган фанлар мажмуаси, баҳолаш мезонлари, тест топшириқлари сони ҳамда тест синовларини ўтказишнинг аниқ муддатлари Таълим муассасаларига ўқишга қабул қилиш бўйича давлат комиссияси томонидан белгиланади.

Тўртинчидан, тест синовлари ташкил этилаётган ўқув йилидан аввалги йилларда таълим муассасаларини тугатган абитуриентлардан тест синовларида иштирок этиши учун тўлов ундирилади. Масалан, 2018 йилда ва ундан аввал мактабни (*касб-ҳунар коллежсини, академик лицейини ёки олий таълим*

муассасасини) битирган абитуриентлар 2019 йилда тўлов тўлашлари керак.

Тўлов миқдори ЭКИХнинг яримини ташкил этади. Ногиронлиги бўлган ёки тўлик давлат таъминотидаги шахслар ундан озод қилинади.

Бешинчидан, тўпланган баллар ҳақидаги маълумот тест ўтказилган куннинг эртасига Давлат тест марказининг сайтида ҳам эълон қилинади. Талабалikka тавсия этилгани ёки тавсия этилмагани бўйича танлов натижаси эса тест синовларини ўтказиш жараёни тўлиқ яқунлангандан кейин бир hafta муддат ичида маълум бўлади.

Олтинчидан, шу йилдан бошлаб давлат олий таълим муассасаларига бакалавриятга ўқишга кириш учун абитуриентлар фақат Давлат хизматлари марказлари ёки ЯИДХП орқали мувожаат қилади.

Тошкентдаги Амита университетида қабул қачон бошланади?

Тошкент шаҳридаги Амита университетида жорий йил сентябрдан ўқиш бошланади. Ушбу олий таълим муассасаси Президентининг 2019 йил 7 январдаги «Тошкент шаҳрида Амита университетини ташкил этиш тўғрисида»ги қарорига мувофиқ ташкил этилди.

Пойтахтимиздаги Алоқа тарихи музейида Ўзбекистон Ахборот технологиялари ва коммуникацияларини ривожлантириш вазирлиги томонидан Хиндистоннинг Амита университети билан ҳамкорликда Тошкент шаҳрида ташкил этилаётган Амита университетининг таълим фаолиятига бағишланган матбуот анжумани ташкил этилди.

– Тошкент шаҳрида очилаётган ушбу олий ўқув юртига

жорий йилда 200 нафар талаба қабул қилиниши кўзланмоқда, – дейди **Амита университети президенти Атул ЧАУХАНА**. – Мазкур муассасада ахборот коммуникация технологиялари, жумладан, компьютер ва дастурий инжиниринг, сунъий интеллект ва менежмент соҳаларида мутахассислар тайёрланади.

– **Абитуриентларни қабул қилиш қачондан бошланади ва қандай тартибда саралаб олинади?**

– Кириш имтихонларида асосан сифатга эътибор қаратамиз. Тест олдидан ҳар бир абитуриент билан суҳбат ўтказилиб, саралаб олинади. Ундан сўнг, тест имтихонлари топшириши мумкин. Ўқиш сентябрь ойидан бошлангани учун қабул июнь ойидан бошланади. Яқинда университет веб-сайти ишга туширилади. Унда олий ўқув юрти ҳақидаги барча маълумотлар, кириш имтихонлари оид ахборотлар ўзбек, инглиз ва рус тилларида берилди.

– **Ушбу олий ўқув юрти талабалари қандай шароит ва имкониятларга эга бўлади?**

– Амита университетида таҳсил оладиган 50 та иқтидорли талабага Ўзбекистон Республикаси Ахборот технологиялари ва коммуникацияларини ривожлантириш вазирлиги томонидан стипендия ажратилади. Шунингдек, талабалар ўз малакасини ошириш учун бошқа филиалларимизга бориб таҳсил олишлари ҳам мумкин.

– **Ўқитувчилар жамоаси қандай тузилади?**

– Хиндистондан ҳам, Ўзбекистондан ҳам мутахассислар жалб этилади. Бундан ташқари, бутун дунёдан малакали мутахассис-ўқитувчиларни жалб этиш назарда тутилган. Ҳозир ID технологиясини ривожланмоқда, шу бонс имкониятлар кенг. Олий ўқув юртига Нобель мукофоти совриндорлари келиб ўқув семинарлари ўтказиши кўзланган.

Бекзод НАСИМБОВ, «Оила даврасида» муҳбири

БЕШ ТАШАББУС – БЕШ ИМКОНИЯТ

Давлатимиз раҳбари томонидан илгари сурилган ижтимоий, маънавий-маърифий соҳалардаги ишларни янги тизим асосида йўлга қўйиш бўйича бешта муҳим ташаббус Навоий вилоятида ҳам кенг тарғиб қилинмоқда.

Навоий шаҳридаги «Маърифат боғи»да беш мингдан ортиқ ёшларни беш максатда бирлаштирган лойиҳа вилоят ҳокимлиги, Халқ таълими, Ўзбекистон ёшлар иттифоқи ҳамда қатор ташкилотлар билан ҳамкорликда амалга оширилди.

Тадбирда ёшлар томонидан саҳналаштирилган театр томошалари, куй-қўшиқлар ижроси, уларнинг ижодига оид хунармандчилик, рассомлик санъати намуналари намойиш этилди.

Шунингдек, тадбирда спортнинг 20 тури бўйича ёшлар ўртасида мусобақалар ташкил этилди.

ИСТЕЪМОЛ КРЕДИТИДАГИ ЎЗГАРИШ



Эндиликда кредит ёки қарзнинг тўлиқ қийматини ҳисоблаб чиқишда қарз олувчининг бир қанча тўловлари ҳисобга олинади.

Истеъмол кредитлари ва қарзларининг тўлиқ қийматини ҳисоблаш тартиби Адлия вазирлигида давлат рўйхатидан ўтказилди. Бу ҳақда «Хуқуқий ахборот» канали маълум қилди. Ушбу тартиб истеъмолчиларга берилган истеъмол кредитлари ва қарзларининг тўлиқ қийматини ҳисоблаш тартибини белгилайди.

Кредит ёки қарзнинг тўлиқ қийматини ҳисоблаб чиқишда қарз олувчининг қуйидаги тўловлари ҳисобга олинади:

- асосий қарз ва фоизлар бўйича тўловлар;
- банк фойдасига амалга ошириладиган тўловлар – агар бундай тўловлар шартнома шартларига мувофиқ қарз олувчининг мажбуриятларига кирса;
- учинчи шахслар фойдасига амалга ошириладиган тўловлар, агар бундай тўловлар шартнома шартларига мувофиқ қарз олувчининг мажбуриятларига кирса.

Банклар қуйидаги ҳолларда кредит ёки қарзнинг тўлиқ қийматини ҳисоблаб чиқишлари шарт:

- шартнома тузилганда;
- кредит ёки қарз олиш истагини билдирган қарз олувчиларга кредит ёки қарз олиш шартлари ҳақидаги маълумотларни тақдим этиш вақтида.

Банклар ўзларининг расмий веб сай-сайтларида потенциал қарз олувчиларга кредит ёки қарзнинг тўлиқ қийматини мустакил ҳисоблаб чиқиш имкониятини яратиб беришлари лозим.

Шунингдек, банклар оммавий ахборот воситалари орқали кредит ёки қарз тўғрисидаги маълумотларни эълон қилганларида, ушбу эълонда банкка мувожаат этилганида мижозларга кредит ёки қарз олиш билан боғлиқ кредит ёки қарзнинг тўлиқ қийматини ҳисоблаб берилиши ҳақида ахборот беришлари керак.

МОЎГА ЯНГИ РАҲБАР ТАЙИНЛАНДИ

Ўзбекистон Миллий олимпия қўмитаси президенти Умид Аҳмаджонов истеъфода чиқди, дея хабар берди uza.uz.



Кеча ушбу масала бўйича МОЎҚда йиғилиш бўлиб ўтди ва унда қўмитага янги раҳбар тайинланди. МОЎҚнинг янги раҳбарлигига Рустам Шоабдурахмонов тайинланди. Р.Шоабдурахмонов шу пайтгача қиличбозлик федерациясига раҳбарлик қилиб келаётган эди.

МАЪЛУМОТ

Амита университети 1986 йилда ташкил этилган. 1991 йил расман университет сифатида иш бошлаб, ҳозир Хиндистонда етакчи хусусий олий таълим муассасаларидан ҳисобланади. Унда 150 мингдан зиёд талаба таҳсил олади. Таълим муассасаси Нью-Йорк, Лондон, Дубай, Сингапур, Хитой, ЖАР ва жаҳоннинг бошқа нуфузли шаҳарларида ўз филиалларига эга.

Сезяпсизми, сўнги вақтларда фикрлар, қарашлар, муносабатлар ўзгаряпти. Бунинг фақат олқишлаш керак. Ахир фикрлаган одам ўзлигини танийди. Ҳалигини таниган одамлар жамиятида қонун устувор, адолат доим сарбаланд бўлаверади. Ана шунда ислохотлар фақат инсон учун хизмат қилади. Жамиятдаги муаммоларнинг очик ва ошқора айтилаётгани, уларнинг ечими изланаётгани, энг муҳими, хоҳ шахсий, хоҳ ижтимоий масалада бўлсин, ҳар кимга мурожаат қилиш кафолатлангани бу ўзгаришларнинг дастлабки кўринишларидир.

Аммо мана шу жараёнда бир тенденция пайдо бўлмоқдаки, бунинг оқибати ҳақида бироз бош қотириш, мулоҳаза юритиш ўринли назаримизда. Яъни, бир-икки кунлик эмас, йиллар давомида тўпланган айрим муаммоларни таҳлил қилиш ва ечим топишда бирёқлама ёндашув сезилмоқда.

Жамиятдаги бирор муаммонинг ечими аввало одамлар манфаатига хизмат қилиши, кимнингдир ҳаётини яхши томонга ўзгартириши керак. Бирок, бу ечим бошқа бир бошқорилма замин ҳозирламаслиги, одамлар дарду ташвишини кўпайтирмаслиги шарт. Сўнги вақтларда халқ қабулхоналарида, сайёр қабуллар давомида, қолаверса ижтимоий тармоқларда «тренд»га айланаётган айрим муаммоларга шунақанги ечимлар топилаптики, охир-оқибат кўпчилик «аввалги ҳолида тургани ҳам маъқул эди», дейишгача бормоқда. Бошқача айтганда «кичмигаган жойни қашлаб» пушаймон бўлмоқда. Келинг, айрим мисолларни келтирайлик.

Оғзи ёпиқ ариқлар

Баҳорги серёгин кунлар анча-мунча худудларимизни танг ахволга солиб қўйди. Жумладан, Тошкент шаҳри кўчалари, турли объектлар сувга тўлди. Аслида бу янгилик эмас. Мана, неча йилдан бери бироз кўпроқ ёмғир ҳам пойтахт кўчаларини қўлга айлантириб қўймоқда. Фақат совет замонида қурилган масканлар эмас, ҳатто замонавий дея мақталган, тантанали топширилган йўллар, йўл ўтказгичлар, уй-жойлар ҳам бундан четда қолмапти. Бир эмас, ҳар серёгин мавсумда такрорланадиган бу ҳодиса юзасидан илк бор шаҳар ҳокимлиги баёнот берар экан, «шаҳардаги ирригация ва дренаж тармоқлари капитал таъмирга муҳтожлиги, бунинг капитал таъмирлаш учун, дастлабки ҳисоб-китобларга кўра, 500 млрд. сўмдан ортиқ маблағ талаб этилиши...»ни кайд этди.

Шу ерда бир тўхтаб, мантқиққа мурожаат қилиб кўрайлик. Юкорида айтганимиздек, ирригация ва дренаж муаммолари яқин-яқинларда топширилган йирик объектларда, янги шаҳарчаларда (мисол учун *Сергелида*) ҳам кузатилади.

Нима, улар қурилаётганда ирригация ва дренаж масалалари кўзда тутилмаганми? Агар кўзда тутилмаган бўлса ҳар йўлу йўлак четига бетон ариқчалар нега қўйилган? Агар кўзда тутилган бўлса улар сифатсиз ва ишламайдиган бўлса, унинг таъмирига яна нима учун миллиардлаб пул керак?

Сув йўлларини сифатсиз қурганлар, бир объектни лойиҳалашда сувнинг кетишини ҳисобга олмаган лойиҳачилару курувчиларни нега ҳеч ким эсламайди?

Этибор қилганмисиз, янги қурилаётган ёки таъмирланаётган йўллар, йўлақлар четига бетон ариқлар ўрнатилади, таъмирла-

наётганлари янгисига алмаштирилади. Буларнинг барчаси катта харажат. Аммо бу ариқларга озгина сув тушса ҳеч қаерга оқмай жойида туриб қолади. Бундай кўзбўямачилик нима учун керак? Мана шу оддий эътиборсизликлар йиғилиб катта муаммога айланган экан, аввало бунга йўл қўйганлар жавоб бермасдан, уни бартараф этиш учун катта пулга кўз тикиш қанчалик адолатдан бўлади?

Пули йўққа йўлнинг абгорими?

«Ўзбекистонда пулли йўллар пайдо бўлади...» Бу хабар ҳам сўнги «тренд»лардан бири. Одамларнинг қулоғини ўргатиш учун бўлса керак, бот-бот айланган йўлнинг. Албатта, сўнги йилларда ҳамма энг зада бўлиб кетган муаммо бу — носоз йўллар. Пулли йўллар пайдо бўлишини эшитиб, кўпчилик «Хайрият, яхши йўл курса пул тўлаб бўлса ҳам юраман», деяпти. Ана, ҳолос! Ҳозир ҳам йўл фондига ҳар кунни қанча маблағ тўлаётганини балки улар билишмас. Билса ҳам уни тўламасликнинг иложи йўқ, машинага тўлаётганини қуяр экансиз, унинг ичида йўл жамғармасига ҳам тўлайсиз. Фақат мамлакат бўйича ҳар йили йўл қуриш учун

йиғиладиган миллиардлаб пуллар тақдирини сизу бизга қоронгу. Ўттиз йилдан бери бирор марта ҳам таъмир кўрмаган йўлларни биламиз ҳолос. Мутахассислар маҳаллий аҳамиятга эга бўлган энг кичик йўлларга ҳам янги қурилгандан кейин камида ўн икки йил кафолат берилиши керак, дейишади. Аммо сўнги ўн йилда қурилган янги йўлларни эсланг, қанчаси таъмирланди, яна қанчаси аллақачон абгор ахволда? Пулли йўллар мана шундай йўл муаммоларини хал қилиб бера оладими?

Бу билан пулли йўллар керак эмас, деган фикрдан бутунлай йироқмиз. Аммо унутмаслик керакки, пулли йўл оддий йўлдан текислиги билан эмас, биринчи навбатда катта тезлик учун хавфсизлик чоралари кўрилгани, ҳайдовчилар учун муайян кафолатлар берилгани билангина фарқланиши керак.

Юкорида айтдик, нега йўлсозлар, мутахассислар қурган йўлнинг сифати, стандартига кафолат бермайди? Нега олдин йўлни қуриб олиб, кейин унинг остидан бошқа тармоқларни ўтказиш учун қовлай бошлашади? Ўтказишга ўтказиб, йўлни нега яна созлаб

МУАММОНИНГ ЕЧИМИ манфаатга айланмасин

Марҳамат, қонун-қонидани бузишга шароит етарли!



Бугун юртимиздаги мавжуд автомашиналарнинг қанча фоизи юрганда автомат равишда чироғи ёниб, тўхтаганда ўчади? Бундай транспорт воситалари бир фоиз ҳам чиқмаса керак. Қолганлар эса ҳали ўрганиб улгурмасдан жаримага тортила бошлагани бу янги қондан фақат йўл-транспорт ҳодисаларининг олдини олиш кўзланаяпти, деган эзгу мақсадни шубҳа остига қўяди.

лаш мумкин эди. Ҳозир кўпчилик фақат жарималар биттага кўпайганини билди ҳолос.

Бундай ҳаракатлар одамлар ва уларнинг хавфсизлиги учун қилинаётган экан, нега йўл-ҳаракати хавфсизлиги ходимлари доим ҳайдовчилар қоида бузишга ўзлари хохламаган ҳолда мажбур бўлаётган жойларга тўсатдан бостириб келиб (*ёки пойлаб*) аёвсиз жаримага тортиши анъанага айланган? Дейлик, бир чорраҳада муайян қоидабузарлик қайта ва қайта содир бўлаётган экан, нега унинг олдини олиш борасида бирор чора кўрилмади? Нега одамлар бирорвага бўлса ҳам тўхташга мажбур бўладиган (*бошқа тўхташ жойи бўлмаган*) жойларда «тўхташ тақиқланган» йўл белгиси қўйилиб, ИПХ ходимлари узоқдан пойлаб, кимнингдир қоида бузишини кутадилар?

Айтишингиз мумкин, бу саволга жавоб оддий: қондани бузмам! Тўғри, қондани бузмасангиз, олам гулистон гўё.

Лекин кимнингдир қондани бузиниши пойлаш ва ундан жарима ундириш билан жамиятдаги бу муаммони ҳал этиб бўлмайди-да. Аввало қондалар одамлар ҳаётини енгиллатишга хизмат қилса, қондани бузишга эмас, бузмасликка кўпроқ шарт-шароит яратилсагина нимагадир эришиш мумкин.

Ҳа, бир кишининг ҳам, минг кишининг ҳам муаммоси жамият ривожига гушув бўлиши тайин. Бугун ҳар бир одамнинг даридига кулоқ тутиб, унинг ечимига астойдил киришилаётган экан, бу йўлда иккинчи бир оғир юкни халқнинг гарданига юклаб қўймайлик. Зотан, ҳамма нарсада фақат одамларни айблаб бўлмайди. Жамият қандай бўлса, қандай мезонлар устига қурилса, одамлар ҳам шундай бўлади, шундай яшайди.

Ҳусниддин БЕРДИЕВ



Оила меҳри

Бугун кечкурун маҳалладошларимиздан бириникида ифтор экан, боя айтиб кетишибди. Ишдан келсам бу ҳақда ўғлим худди етказилган хабари учун суюнчи оладигандай, мени кўргандан югуриб олдимга келди:

— Дада, дада, сизни кечга ифторга айтиб кетишти. Борар экансиз, — деди ховлиқиб.

— Хўп ўғлим, хўп.

Ишдан чарчаб келганим учунми ифторга бориш ҳам малолдай туюла бошлади. Аммо, бориш керак, маҳалладош хафа бўлиши мумкин. Ифтор вақтигача бироз дам олиб, сўнг оғиз очишга ярим соат қолганда уйдан чиқа бошладим. Қарасам хотиним аллақачон ҳар кунгидай қилиб ифторлик дастурхонини тузаб қўйибди. Дастурхонда бир идишда озрок салат, бир стакан қатик, икки бўлак қозонда ёпиб пиширилган чалпак, бир ҳовуч хурмо ва бир тарелкада мевалар турар эди. Қўл калталиқ курсин, хойнаҳой нимадир овқат қилган бўлса ҳам гўштсиз овқат қил-



ган. Эпиккача бордим ва тўхтаб сонияларда ҳаммасини ўйлаб кўрдим: ифтордаги тўкин дастурхон, икки-уч хил овқат, турли салкин ичимликлар ва турли хориж мевалари... Йўқ, томоғимдан ўтмайди, ўтса ҳам барибир татмайди...

Секин ортга қайтдим ва ўзимнинг қаддон дастурхоним ёнига ўтириб, Қуръонни кўлимга олдим ва болаларимни ёнимга чақирдим...

Ғайрат ЙЎЛДОШ
azon.uz

ЖАВОҲИР

Иқбол МИРЗО



ШОГИРД

Устозга гул тутган баъзи нокаслар
Мушт кўтариб келар шогирд қасдига.
Устозга тишлари ўтмаган насллар
Шогирдга ташланар хуморбосдига.

Хаёт чидаланган чиққан, жон жўра,
Кимнинг мушти, кимнинг юраги қадоқ.
Хаёт мактабиде устоздан кўра
Ғанимлари сабоқ бераркан кўпроқ.

САВОЛ

Шайтон овози

Турлар уни «шайтон овози», немис денгизчилари «муссон шамоли», инглизлар «энг бахтсиз кишилар овози» дея таърифлашган. Бизда ҳам бу нарсани яхшиликка олиб келмайди деган ақида бор.

Савол:

Гап нима ҳақида кетмоқда?

Жавоблар келгуси ҳафтанинг сешанба кунини соат 15:00 гача қабул қилинади.

Электрон манзил: info@od-press.uz

Телефон: 0 (371) 234-91-82

Telegram: (+99897) 444-80-84

17-сондаги саволнинг жавоби қуйидагича:

340 йилки инсониятга беминнат хизмат қилиб келаётган қурилма бу — лифт.

Саволга Аҳмад МУРОДОВ, Маъмур ҚЎШОҚОВ ва Умида Саидвалиева тўғри жавоб йўллади.

ПАЗАНДАЛИК

«Қуш уялари»

Сизларга ажойиб таом рецепти, яъни қиймадан тайёрланган «Қуш уялари»ни эътиборингизга ҳавола этамиз. Бундай кўринишдаги егулик катта-ю кичикка бирдек манзур бўлиши аниқ.

Зарур масалликлар: қийма, нон қоқи, хантал, тухум, шампинион кўзикорини, ун, пиёз, ўсимлик ёғи, сметана, кўзикоринли аралашма, бедана тухуми ҳамда таъбага кўра туз ва мурч.



Тайёрланиши: чуқур идишга қийма, нон қоқи, хантал, товуқ тухуми, туз ва мурч солиб, аралаштириб олинади. Шампинионлар паррак қилиб, пиёз эса юпка тўртбурчак шаклда тўғраб олинади. Товага ўсимлик ёғи қуйиб, иккаласи бирга қовурилади. Сўнг, унни солиб, аралаштирилади ва 1 дақиқа давомиде қовурилади. Кейин, сметанани солиб, яна 1 дақиқа аралаштириб туриб, қовурилади ва газдан олинади. Қиймани тенг 8 га бўлиб, котлетсимон шакл берилди ҳамда устини бироз чуқурроқ қилиб олинади. Албатта, уяга ўхшаши керак. Патнисга терилади. Қиймалар 190 С даражада қизиган печда 25-30 дақиқа давомиде пишириб олинади. 25 дақиқадан сўнг қиймаларни олиб, устидан 1 ошқошиқдан кўзикоринли аралашмадан солиб, ўртасига биттадан бедана тухуми қачиб солинади. Яна печга қўйиб, 5-7 дақиқа давомиде пишириб олинади.

Ёкимли иштаҳа!

ЭЪЛОН

Ўқув Даволаш Комплекси тиббиёт коллежи томонидан 2009 йилда Холматова Мохира Хасан қизига берилган К №1432042 рақамли диплом ва иловаси йўқолганлиги сабабли

БЕКОР ҚИЛИНАДИ.

КАРИКАТУРА



МАСЛАҲАТ

■ Цитрус меваларнинг пўстлоғи қахва ҳамда чойдан қорайган идишларни яхши тозалайди;

■ Тахтали мебелларнинг юзасида сув солинган идишларнинг изи қолган бўлса, чизикларнинг устига майонез суртиб қўйилади ва бир соатдан кейин артиб олинади;

■ Гилямсиз полни қирлишлардан ҳимоялаш мақсадида стул ва стол оёқларига махсус «пайпоқ»лар қийғизиш мумкин;

■ Идиш-товуқ ювадиган губкани қуришти учун қоғоз қистирғичдан фойдаланса бўлади.

МУАССИСЛАР:

Фукарларнинг ўзини ўзи бошқариш органлари фаолиятини мувофиқлаштириш бўйича Республика кенгаши;
Ўзбекистон Қасаба уюшмалари федерацияси Кенгаши;
Ўзбекистон Хотин-қизлар кўмитаси;
Ўзбекистон ёшлар иттифоқи марказий кенгаши;
«Ўзбектелеком» акциядорлик компанияси;
«Ўзбекистон почтаси» акциядорлик жамияти;
«Матбуот тарқатуви» акциядорлик компанияси;
Акциядорлик тижорат «Алоқабанд»; «Ойла» илмий-амалий тадқиқот маркази.

Газета таҳририят компютериде терилди ва сақланди.

Газетада интернет материалларидан ҳам фойдаланилган.

Газета 2012 йил 20 апрелда Ўзбекистон Матбуот ва ахборот агентлигиде 0814-рақам билан рўйхатга олинган.

«Шарқ» нашрият-маъбаа акциядорлик компанияси босмахонасида чоп этилди.

Босмахона манзили: Тошкент шаҳри, Буюк Турон кўчаси, 41.

ТАҲРИР ҲАЙЪАТИ:

Танзила Норбоева, Қаҳрамон Қуронбоев, Шавкат Жавлонов, Қудратилла Рафиқов, Коммуна Ирисбекова, Дилором Тошмухамедова, Ином Маждидов, Элмира Боситхонова, Мизроб Бўронов, Муродулло Холмухамедов, Мухаммадjon Қурунов

Таҳририят манзили: Тошкент шаҳри, 100000, Амир Темура 1-тор кўчаси, 2-уй.
Тел/факс: 234-83-45. E-mail: info@od-press.uz

Навбатчи — Б. Насибуев
Саҳифаловчи — Х. Фаиуллов

Буғуртма: г-537 ISSN 2181-6190 Обзун индекс — 193

Аълдй: 2971 нрүха. Нархн: келшнүв аоссидд.

Когөз бнчнн А-3, ҳажмн 2 босма табок.

Офсет усулнда босилган.

Чоп этишга топширилди: 00:10



OILA
DAVTRASIDA
Ilmoyiy-siyosiy, ma'naviy-ma'rifiy gazeta

«Ойла даврасида» газетаси таҳририяти масъулияти чекланган жамияти

Бош мухаррир
Хусниддин БЕРДИЕВ